

**ХУУЛЬ ТОГТООМЖ, ТОГТООЛ ШИЙДВЭРИЙН БИЕЛЭЛТЭД ХИЙСЭН
ХЯНАЛТ ШИНЖИЛГЭЭ, ҮНЭЛГЭЭНИЙ ТАНИЛЦУУЛГА
/УУЛ УУРХАЙ, ХҮНД ҮЙЛДВЭРИЙН ЯАМ/**

2018 оны 01 дүгээр сарын 15

Нэг. Хяналт-шинжилгээ, үнэлгээний зорилго.

Хяналт-шинжилгээ, үнэлгээний зорилго нь Уул уурхай, хүнд үйлдвэрийн сайдын эрхлэх асуудлын хүрээний холбогдох хууль тогтоомж, тогтоол шийдвэрийн хэрэгжилтийн явц, үр дүнд 2017 оны жилийн эцсийн байдлаар хяналт-шинжилгээ хийж, зорилтыг хүрэх түвшинтэй нь харьцуулан, хэрэгжилтийн түвшинг тогтоох, үр дүнг үнэлэх, зөвлөмж, дүгнэлт гаргах, яамны удирдлагыг бодит мэдээллээр хангах, цаашид төлөвлөсөн зорилтыг бүрэн биелүүлэхэд дэмжлэг үзүүлэхэд оршино.

Хоёр. Хяналт-шинжилгээ, үнэлгээний арга зүй.

Монгол Улсын хууль, Улсын Их Хурал болон УИХ-ын байнгын хорооны тогтоол, Ерөнхийлөгчийн зарлиг, Үндэсний аюулгүй байдлын зөвлөлийн зөвлөмж, хуралдааны тэмдэглэл, Засгийн газрын тогтоол, хуралдааны тэмдэглэл, Ерөнхий сайдын захирамжаар Уул уурхай, хүнд үйлдвэрийн сайдын эрхлэх асуудлаар гарсан шийдвэр заалтыг хяналтанд авч, эдгээрийн 2017 оны жилийн эцсийн байдлаар ирүүлсэн биелэлтэд хяналт-шинжилгээ, үнэлгээ хийв.

Хяналт-шинжилгээ, үнэлгээг хийхдээ Засгийн газрын 2017 оны 89 дүгээр тогтоолоор батлагдсан, “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ыг удирдлага болгов.

Засгийн газрын Хэрэг эрхлэх газрын хяналт-шинжилгээ, үнэлгээний нэгдсэн цахим хуудсанд байршуулсан шийдвэр, заалтыг 2017 оны 12 сарын 27-ны өдрийн байдлаар тасалбар болгон Засгийн газрын 2017 оны 89-р тогтоолоор батлагдсан журмын 6-р хавсралтын дагуу салбар тус бүрээр Геологи, эрдэс баялгийн, Газрын тос, газрын тосны бүтээгдэхүүн түүний нөөцийн, Уул уурхайн, Хүнд үйлдвэрийн, Нийтлэг асуудал гэсэн таван ангиллаар хэрэгжилтийг гаргуулав.

Гурав. Хяналт-шинжилгээ, үнэлгээний үр дүн.

2017 оны жилийн эцсийн үнэлгээг Засгийн газрын Хэрэг эрхлэх газрын Хяналт-шинжилгээ, үнэлгээний www.unelgee.gov.mn цахим системд байршуулсан нийт 135 шийдвэрийн 188 заалтыг дээр дурдсан агуулгаар ангилж хяналт шинжилгээ, үнэлгээ хийсэн ба хэрэгжилт **90,6** хувийн биелэлттэй байна.

Геологи, эрдэс баялгийн бодлогын хүрээнд 7 шийдвэрийн 9 заалтын хэрэгжилт 100%, Газрын тос, газрын тосны бүтээгдэхүүн болон түүний нөөцийн талаарх бодлогын 16 шийдвэрийн 21 заалтын хэрэгжилт 83,5%, Уул уурхайн бодлогын асуудлын 43 шийдвэрийн 58 заалтын хэрэгжилт 81,0%, Хүнд үйлдвэрийн бодлогын асуудлын 33 шийдвэрийн 43 заалтын хэрэгжилт 85,7%, Нийтлэг асуудлын 57 шийдвэрийн 95 заалтын хэрэгжилт 98,0%-ийн тус тус биелэлттэй байна.

Нийт 226 заалтын 41 заалт үнэлэх боломжгүй, хэрэгжилт гаргаж дүгнэсэн 185 заалтын 135 заалт буюу 73,0% бүрэн биелсэн, үлдсэн 50 заалт буюу 27,0% хэрэгжилтийн шатанд буюу 30-70 хувийн биелэлттэй байна.

ХУУЛЬ ТОГТООМЖ, ТОГТООЛ ШИЙДВЭРИЙН

ХЭРЭГЖИЛТЭД ХИЙСЭН ҮНЭЛГЭЭ

/2017 оны жилийн эцэс/

Хүснэгт-1

		Бүгд	Монгол улсын хууль	УИХ-ын тогтоол	УИХ-ын байнгын холлооны тогтоол	Ерөнхийлөгчийн зарлиг	Засгийн газрын тогтоол	Засгийн газрын хуралдааны тэмдэглэл	Ерөнхий сайдын захирамж	Үндэсний аюулгүй байдлын зөвлөлийн зөвлөмж, тэмдэглэл	Засгийн газрын албан даалгавар
Хяналтанд авагдсан	Шийдвэрийн тоо	156	7	8	10	3	61	51	8	7	1
	Зүйл, заалтын тоо	226	10	11	25	3	78	63	8	17	11
Үүнээс	Биелсэн 100%	135	1	5	18	2	45	42	4	9	9
	Хэрэгжих шатанд	91	9	6	7	1	33	21	4	8	2
	70.0%	44	6	3	3	-	11	11	3	5	2
	30.0%	6	-	-	-	-	6	-	-	-	-
	Хэрэгжээгүй 0%	-									
Дүгнэгдээгүй	41	3	3	4	1	16	10	1	3	-	

Яамны эрхлэх асуудалд хамааралгүй, хэрэгжих хугацаа болоогүй, үндсэн хэрэгүүлэгч яамнаас санал ирээгүй 41 заалтууд байна.

Дөрөв. Дүгнэлт.

1. Газрын тосны тухай хуулийн 7.1.4.-т заасан, Газрын тосны бүртгэл, тооцооны журам, 8.1.3.-т заасан, Газрын тосны баялгийн үнэлгээ, нөөцийн тооцооны тайланд тавих шаардлага"-ыг боловсруулж батлуулах ажил сүүлийн 3 удаагийн хяналт-шинжилгээ, үнэлгээгээр хэрэгжилт удаашралтай буюу 30-аас 70%-тай байна.

2. “Эрдэнэс монгол” ХХК болон түүний охин компаниудаас 2017 оны жилийн эцсийн байдлаар хууль тогтоомжийн хэрэгжилтийн мэдээ тайлан ирүүлээгүй тул холбогдох шийдвэрийн биелэлтийг гаргуулж авахад бэрхшээлтэй байна. мөн Оюу толгой, Таван толгой, Цагаан суварга, Гацууртын ордын үйл ажиллагаатай холбогдон гарсан шийдвэрүүдийн биелэлт хангалтгүй гарч байна.

3. Бусад байгууллагатай хамтран хэрэгжүүлэх шийдвэрийн биелэлт гаргахад тухайн асуудлаар санал авах, хамтран ажиллах талаар толгойлон хэрэгжүүлэгч байгууллагаас ханддаггүй байдал давтагдсаар байна. Үүнд ихэвчлэн байгаль орчны асуудал эрхэлсэн төрийн захиргааны төв байгууллага толгойлон хэрэгжүүлэхээр гарсан шийдвэрүүд хамаарч байна.

4. Зэсийн баяжмал боловсруулах үйлдвэр байгуулах ажил, Хэрлэн гол дээр урсацын тохируулга хийх төсөл, нүүрснээс нийлэг байгалийн хий үйлдвэрлэх үйлдвэр байгуулах төсөлтэй холбогдсон шийдвэрүүдийн биелэлт удаашралтай байна.

5. Яамны холбогдох газруудаас хууль тогтоомж, тогтоол шийдвэрийг хэрэгжүүлэх талаар хийсэн ажил, хүрсэн үр дүнг тодорхой ирүүлэхгүй байна. Үүнээс шалтгаалж биелэлтийг дахин гаргуулж үнэлгээ хийхэд хугацаа алдах нөхцөл үүсч байна. Үнэлгээ хийх хугацаа алдагдсанаар тухайн шийдвэрийн биелэлтэд нотлох баримтанд үндэслэн дүгнэх боломж хязгаарлагдаж байна.

6. Яамны зүгээс тодорхой хийгдсэн ажлын биелэлтгүй, эрхлэх асуудалд хамааралгүй, шүүхийн шийдвэр эцэслэн гараагүй, Засгийн газрын бүтэц

бүрэлдэхүүн өөрчлөгдсөн шалтгаанаар үргэлжлэн хэрэгжээгүй, дээд шатны байгууллагаас ажлыг зогсоосон зэрэг 41 заалтад үнэлгээ өгөөгүй болно.

Тав. Зөвлөмж.

1. Хяналтанд авагдсан шийдвэр, заалтыг хариуцах нэгж, албан хаагчийг тодорхой болгож ...

2. Уул уурхайн бодлоготой хамаарах шийдвэр заалтын хэрэгжилтийг сайжруулах, холбогдох аж ахуйн нэгжүүдээс мэдээллийг гаргуулж ирүүлэхэд ажил хариуцсан нэгж анхаарч ажиллах,

3. “Эрдэнэс монгол” ХХК болон түүний охин компаниудаас 2017 оны жилийн эцсийн байдлаар хууль тогтоомжийн хэрэгжилтийн мэдээ тайлан ирүүлээгүй, холбогдох захирал удирдлагад хариуцлага тооцох.

4. Бодлогын газрууд биелэлтийг тогтоосон хугацаанд чанартай гаргаж ирүүлэх, ажлын гол үр дүнг товч тодорхой, баримт нотолгоонд суурилсан байдлаар тайлагнаж хэвших,

5. Хууль тогтоомжийн 2017 оны жилийн эцсийн хэрэгжилтэд хийсэн хяналт-шинжилгээ, үнэлгээгээр цаг хугацааны хувьд ач холбогдолгүй болсон сүүлийн 3 жил тасарсан болон тухайн асуудлаар дахин шийдвэр гарсан ... шийдвэрийн, заалтыг хяналтаас хасуулах саналыг ХЭГ-т хүргүүлэх,

6. Цаашид холбогдох нэгжүүдийн мэргэжилтнүүд баримт бичиг боловсруулах ур чадвараа сайжруулж, ирүүлж буй тайлангийн чанарт анхаарах, мэргэжилтний боловсруулсан тайлан, мэдээллийг харьяалах нэгжийн дарга нар сайтар хянаж, арга зүйн дэмжлэг үзүүлэх, ХШҮДАГ-аас өгсөн зөвлөмжийг хэрэгжүүлж ажиллах шаардлагатай.

Хууль тогтоомж, тогтоол шийдвэрийн биелэлтэд хийсэн үнэлгээний тайлан, нэгтгэлийг хавсаргав.

ХЯНАЛТ-ШИНЖИЛГЭЭ, ҮНЭЛГЭЭ, ДОТООД АУДИТЫН ГАЗАР